

證治要訣

丹溪心法

附錄  
酉

秘傳證治要訣卷之三

大醫院使戴元禮述

諸傷門

傷風寒

附感胃之凡看病本李泰時維棧末塗  
鼻孔及須知避忌者  
病機氣出於口女指病種新法  
立對語問宜識得向背

傷風傷寒俗呼為傷寒傳經分三陽三陰三陽是太陽陽明少陽經也三陰太陰少陰厥陰經也經之陰陽以臟腑言腑為陽膀胱胃膽是也臟為陰脾腎肝是也病之陰陽乃是外邪之陰陽陰氣陽氣是也陰陽二氣皆能犯臟腑故陽氣犯太陽則為傷風惡風

而有汗陰氣犯太陽則為傷寒惡寒而無汗在太陽  
未得解轉入陽明少陽二經則純乎陽不如太陽易  
其治若陽氣未能罷以次傳入陰經則為陰中之陽  
蓋緣陽經之陽氣來入陰經雖有自利欲寢唇青手  
凡厥冷舌卷囊縮等證不可妄投熱藥宜瀉其陽之  
在陰經也

若陽病下之太過陽氣已脫遂變為陰所謂害熱未  
已寒病復起或初得病便是陰證此是陰中之陰蓋  
緣陰氣攻陰經陰自得傳非自傳諸陽經來只當以  
溫藥回其陽故陽入陰者變陽以救陰陰入陽者用

陽以救陽二者不可不辨

傷風傷寒初得病時俱見發熱頭疼體痛屬太陽經  
但傷風惡風有汗傷寒惡寒無汗並宜和解散芎芷  
香蘇散或養胃湯加草芎各半錢熱服溫覆若的是  
傷風有前自汗惡風等證可用桂枝湯令其熱服溫  
覆喘加杏仁一錢咳加五味子一錢渴加參半錢外  
熱未止者敗毒散熱而有汗者敗毒散加桂枝半錢  
或陽且湯嘔者不宜用桂枝湯合於本方加半夏一  
錢漆姜煎此非合病之嘔風傷寒標病即非正傷寒  
故可用也風寒二證理當桂汗而其人虛不可汗者

宜桂枝湯加黃耆半錢若而是傷寒有前惡寒無汗  
等證可用五積散熱服原被覆之取汗喘嗽者杏子  
湯加麻黃半錢欲汗而下得汗者再進已汗而身熱  
不退者參蘇飲或敗毒取加桂枝半錢嘔者養胃湯  
此非治合病之嘔若風寒俱傷或惡風而無汗或惡  
寒而無汗疑似之間尺宜五積散半貼和敗毒散半  
貼名交加散喘嗽者小青龍湯有初得病太陽証具  
但寒而未即為熱至一二日後方熱此傷於寒若傷  
風即有熱矣但寒未有熱者五積散發汗有已服解  
表藥不惡風不惡寒諸表証已罷於裏又未躁未渴

小便亦未赤大便如常獨身熱未除者宜香蘇飲敗  
毒散小柴胡湯加桂枝半錢有已服解表藥証已罷  
又無裏証其人體痛不減者恐是發汗多榮衛不和  
所致宜小建中湯用半厚半薄之桂

若風寒二證傳經後身熱煩渴小便赤大便不通言  
語不得睡不安鼻乾頭目疼日晡增劇不惡寒反惡  
熱舌上白胎中有斷文或黑胎方為極熱甚則昏不  
知人此屬陽明經宜大柴胡湯小承氣湯下之若具  
諸証而大便自調者宜白虎湯少加小柴胡湯  
若胸脇俱痛頭疼耳聾口苦或渴或嘔大小便或利

或不利往來寒熱如瘧此屬少陽証宜小柴胡湯嗽  
加北五味子半錢湯甚加括樓根半錢不渴而外有  
熱者加桂枝半錢自汗而尚惡風者以小柴胡湯半  
貼加桂枝湯半貼

如婦人病中經水適來或經水失斷此為熱入血室  
其血必結故使寒熱往來如瘧晝則明了夜則譫語  
宜小柴胡湯或加生地黄半錢

若胸膈不快手足自溫或自利而渴或腹滿時痛此  
屬太陰經或自利不渴宜理中湯重則加附子四連  
湯此陰中之陰也腹滿而痛當得通壅宜桂枝湯加

芍藥即是小建中湯但易厚桂為桂枝耳不愈小柴  
胡湯去黃芩加芍藥一錢或加芍名半錢所病其天  
便不利者桂枝湯加大黃一錢臨熟入或大耳胡得  
以諸實各痛當下此陰中之陽也

若兀兀欲吐心煩喜寐或自利口燥而渴或口中和  
而背惡寒此屬少陰經但少陰用藥有陰陽之分自  
利而渴者宜猪苓湯蓋陽熱傳入腎少陰經腎係古  
木故自利口燥而渴以猪苓湯利腎中之熱不愈則  
當自大便去之古法合用大承氣湯若難用大承氣  
湯則用小承氣湯或且進白頭翁湯上項諸藥為陰



中涇陽者也

泄利下重其人四逆先以水盞半葱白二根煎一盞  
去葱煎四逆散至七分咳加北五味子乾薑各半錢  
悸加桂枝一錢小便不利加茯苓一錢腹痛加熟附  
半錢

若審是下利清穀手足四逆其人面帶赤或腹痛或  
乾嘔或咽痛四逆湯倍乾薑面赤者加葱一根腹痛  
加芍藥一錢半嘔加生薑咽病加桔梗一錢

若口中和而背惡寒宜正方四逆湯不必加減四逆  
散四逆湯俱治少陰下利四肢逆冷世間下重者與

下利清穀者一涼一溫又自有陰有陽之別

四逆散是治四

逆陽症曰逆陽是治四逆症

若初得病便見少陰証其人發熱惡寒身疼頭不痛者宜麻黃細辛附子湯微汗之或五積散加熟附半錢或五積散加以順元散若煩悶厥逆或舌捲囊縮或下利清穀裏寒外熱此屬厥陰經下利清穀者陰中之陰宜進通脈四逆湯或當歸四逆湯加生薑棗蕪舌捲囊縮不特陰中之陰有之陽明之熱陷入厥陰亦有之蓋陽明主宗筋宗筋為熱毒風所致故弗榮而急引舌與卯風以舌捲囊縮當瀉陽以救陰宜

大承氣湯陽傳大陰而利故用小建中湯及小柴胡湯去黃芩加芍藥此一藥治太陰洩利腸鳴而痛已利而痛為虛虛則腸鳴蓋為傳陰之陽氣漸微不敢過用冷劑但以芍藥通壅耳

南陽謂傷寒手足必微冷若手足自溫者係太陰也說欠分曉若陽明手足安得微冷少陽厥陰而太冷安得言微冷但當言三陰經少陰厥陰手足厥冷惟以太陰手足自溫耳

凡渴問其所飲欲冷欲熱欲多欲少若飲多而欲冷者陽渴也更須審其有何證在經也其太陽證小便

不利而渴者五苓散其陽明證大便不利而渴者宜於前本經求之已利猶渴宜白虎湯其少陽證寒熱往來而渴者小柴胡湯去半夏加枳實根如其數陰亦有自利而渴各已見本經但陰有渴之人多有冷劑必其皆挾陽氣耳經雖陰而病則陽也然亦有下利清穀不係熱利純是陰證而反見渴者此是陰在下隔湯於上兼因洩瀉津液既去枯燥而渴其人雖引飲所飲自少而常喜溫不可投冷劑宜理中或四逆湯加入參一錢渴甚連理湯

在陽證不渴陰証反渴者陽明不甚渴太陰乃大渴

不可不知治渴一也有堅腎水而渴止者有利小便  
而渴愈者堅腎水則用天花粉之屬利小便則用茯  
苓猪苓之類蓋太陰以利小便為先陽明以利小便  
為戒少陽以膽經半表半裏未可下之其人或大渴  
不止當以小柴胡湯加天花粉之屬堅其腎水腎水  
既堅自還滲入大腸大便溲通熱去而渴解若病在  
太陽太陽在膀胱腎經非利小便則熱無從去渴何  
由愈外有非陽之證煩躁發渴此乃陰盛隔陽不當  
順其渴惟當治其陰

煩躁陰陽經皆有之陽明經胃有熱屎故煩此當下

之大陽經已得汗而煩者五苓散少陽亦或有煩宜  
小柴明湯陰煩少陰總多由陽氣傳入陰經陰得陽  
而煩自利而渴煩不眠者辰砂五苓散若非是陽氣  
傳陰陰氣犯陰經吐利手足厥冷而煩經云陽虛陰  
乘之故煩又云陰盛發躁欲坐井中吳茱萸湯甚者  
四逆湯加葱白二根

外有虛煩一證乃是病愈後陰陽未復時發煩熱竹  
葉石膏湯痰多睡不安者溫膽湯嘔者橘皮湯詳見  
寒熱明潮熱瘧煩証若誤用藥下之身熱不去微煩  
者梔子乾姜湯

自利須辨陰陽三陽自利各已本經見之太經與陽  
明合病下利頭痛腰疼肌熱目疼鼻乾宜葛根湯陽  
明與少陽合病下利自熱胸脇痞滿而嘔或往來寒  
熱目疼鼻乾宜大柴胡湯大抵陽熱之利與陰熱之  
利與陰寒之利自不同陽利黃色必焦黃熱身出作  
聲臍下必熱寒藥則止得熱藥愈增陰利必澀下  
清設黃色或白或淡黃臍下多寒宜溫中止瀉之劑  
此之謂陰利陽利指陰陽二氣而言非曰陰陽二經  
也緣陰中亦自有陽利不可因下利便以為陰也  
外有太陽藥醫反下之遂下利清穀身體又自疼痛

者急用西逆湯救其裏後得大便已調身上疼痛者

用桂枝湯解其表

先救裏後解表恐洞下陽脫變生不測

又有內不大滿猶生寒熱未可下而便下之內虛熱人挾熱自利臍下必熱大便秘赤黃色及下腸間津汁垢膩名曰利腸宜白頭翁湯黃芩湯

要知均自為利身不熱手足自溫者大陰身體四逆者少陰厥陰其餘身熱下利皆屬陽經然陰利有反發熱或初病無熱利後却熱或勿得病即身熱繼而自利此陰利非陽傳陰經之利詳見後段發熱証又有大便秘五六日以藥利之利遂不止用極熱劑



方瘥陽有利陽有秘當更以他證別之

外熱內煩下利上渴或痞或痛或嘔常法多用黃芩湯半夏瀉心湯亦可不若生姜瀉心湯之當或溫膽湯加入黃連其中枳殼去取在人

諾陽發熱已見前三陽經陰不發熱惟少陰能發熱然少陰發熱有二証初得病即見少陰証發熱惡寒頭不疼宜麻黃細辛附子湯

少陰病始得之反發熱者多在表宜此湯

若下利清穀身熱躁擾裏寒外熱仲景謂之反發熱

此乃陰盛隔陽宜四逆湯附子理中湯蓋陽氣傳陰經而下利者乃是熱利陽陷入裏外所以無熱陰氣